

**Z A P I S N I K**  
**SA SASTANKA MODELARSKE KOMISIJE**  
**ODRŽANOG NA ILIDŽI 09.11.2013.**

**Prisutni:**

1. Mirsad Kapetanović – AK “Izet Kurtalić” Visoko
2. Milenko Bulović – AK ULL Banja Luka – Laktaši
3. Siniša Holik – AK Ilidža
4. Alen Halak – AK “Kрила Sarajeva” Sarajevo
5. Vjenčeslav Kukić – AK Sarajevo
6. Adin Ramadanović – AK Mostar
7. Ferid Zilić – AK Zenica

*NAPOMENA:* U radu Modelarske Komisije ravnopravno učestvuje po jedan delegat iz svakog aerokluba koji je član entitetskog saveza i koji nastupa na modelarskim takmičenjima u juniorskoj ili seniorskoj konkurenciji. Sastanci MK su otvoreni za sve zainteresirane pojedince i aeroklube, tako da je uobičajena praksa da se sastanci Modelarske Komisije održavaju u proširenom sastavu uz prisustvo svih zainteresiranih modelara.

**Ostali prisutni:**

1. Miloš Budimčić – AK ULL Banja Luka – Laktaši
2. Emir Hajdarević – AK “Izet Kurtalić” Visoko
3. Malik Čabaravdić – AK “Izet Kurtalić” Visoko
4. Hebib Sabahudin – AK Mostar
5. Željmo Marić – AK Mostar
6. Faik Čičak – AK Zenica

Sastanak je održan u prostorijama Mjesne zajednice “Otes” Ilidža, Fadila Hadžića 13-A. Sastanak je počeo u 11,00 sati. Sastankom modelarske komisije su predsjedavali Mirsad Kapetanović (Predsjednik MK VS BiH), Milenko Bulović, Vjenčeslav Kukić i Siniša Holik.

Na početku sastanka su Siniša Holik ispred AK Ilidža i Vjenčeslav Kukić ispred VS Kantona Sarajevo, domaćina sastanka, pozdravili prisutne izražavajući zadovoljstvo što se sastanak MK po prvi put održava na Ilidži.

Jednoglasno je usvojen sljedeći:

**DNEVNI RED:**

1. Analiza rada i realizacija programa u 2013. godini
2. Plan rada i kalendar takmičenja u 2014. godini
3. Prijave FAI Open International - World Cup i Open National takmičenja za 2014. godinu
4. a) Rang liste kandidata za seniorsku i juniorsku Reprerentaciju aeromodelara BiH u klasama F1 A,B,C na bazi rezultata postignutih u 2013. godini  
b) izbor članova reprezentacija  
c) izbor selektora

### ***Ad. 1: Analiza rada i realizacija programa u 2013. godini***

O aktivnostima aeromodelara u 2013. godini prisutne je ukratko izvijestio predsjednik Modelarske Komisije Mirsad Kapetanović. On je istakao da je u prošloj godini gotovo u cjelosti realiziran plan domaćih takmičenja kako slijedi.

- 1.) „**4. Federalno prvenstvo u sobnim modelim BiH 2013**“ održano u Visokom; organizator AK "Izet Kurtalić" Visoko; D1 seniori i juniori.
- 2.) „**Državno prvenstvo u sobnim modelima BiH 2013**“ održano u Zenici; organizator AK Zenica; D1 seniori i juniori.
- 3.) „**Kup grada Zenica**“ držano u Zenici; organizator AK Zenica; D1 seniori i juniori.
- 4.) „**Proljećni kup 2013**“ održan na Mostarskom Blatu u Mostaru; organizator AK Mostar; F1A, F1B, F1H seniori, A1 juniori. U kategoriji F1C nije se prijavio niti jedan takmičar.
- 5.) „**Kup Mustafa Hadžović 2013**“ održan na Mostarskom Blatu u Mostaru; organizator AK Mostar; F1A, F1H seniori, A1 juniori.
- 6.) „**57. Državno prvenstvo aeromodelara BiH 2012**“ održano u Novoj Topoli; organizator AK ULL Banja Luka – Laktaši; F1A, F1B, F1C.
- 7.) „**1. Prvenstvo RS – FAI Open National Contest**“ održano u Novoj Topoli; organizator AK ULL Banja Luka – Laktaši; F1A, F1B, F1C.
- 8.) „**FAI World Cup – 2013 Memorijal Izet Kurtalić**“ održan na Medenom Polju u Bosanskom Petrovcu; organizator AK "Izet Kurtalić" Visoko; F1A, F1B (seniori i juniori) i F1C (seniori).
- 9.) „**FAI World Cup – 49. Mostar Cup**“; održan na Mostarskom Blatu u Mostaru; organizator AK Mostar; F1A, F1B (seniori i juniori) i F1C (seniori).
- 10.) „**4. Federalno prvenstvo aeromodelara BiH 2013 u klasi A1**“ držano na sportskom letilištu „Kenan Jusufbašić“ u Visokom; organizator AK Zenica; A1 (juniori).
- 11.) „**Državno prvenstvo aeromodelara BiH 2013 u klasama F1H i A1**“ održano na sportskom letilištu „Kenan Jusufbašić“ u Visokom; organizator AK "Kрила Sarajeva" Sarajevo; F1H (seniori), A1 (juniori).

Nažalost „**3. Federalno prvenstvo aeromodelara BiH 2013**“ u kategorija F1A, F1B, F1C, F1H seniori, nije održano jer je to bilo četvrto takmičenje u ovoj sezoni koje je trebao organizirati AK Mostar, a što je tehnički bilo veoma teško.

Posebno je istaknuto da su se u okviru oba World Cup takmičenja (2013 Memorijal Izet Kurtalić u Bosanskom Petrovcu i 49. Mostar Cup u Mostaru), kao i u okviru Državnog prvenstva aeromodelara BiH 2013 u klasi F1H održanog u Visokom u organizaciji AK "Kрила Sarajeva", po prvi put u BiH održala tri takmičenja koja su se bodovala za Evropski kup u klasi F1H slobodnoletećih modela. Evropski kup je ustanovljen tek prije tri godine pod nazivom »F1H EURO Challenge (HEC)«. F1H EURO Challenge postaje sve popularniji i popularniji u Evropi. Tokom 2013. godine održano je čak 30 HEC takmičenja u 14 zemalja Evrope, na kojima je nastupilo 189 takmičara (od kojih je bilo 75 juniora) iz cijele Evrope!

Nažalost, ovogodišnji FAI World Cup – 2013 Memorijal Izet Kurtalić na Medenom Polju u Bosanskom Petrovcu nije završio onako kako je bilo planirano. Tragičan

događaj desio se tokom 6. turnusa. Viktor StamoV naš dragi kolega iz Ukrajine, sportista i iznad svega prijatelj je dobio srčani udar sa fatalnim posljedicama. Nažalost, poslije medicinske pomoći ukazane na terenu i u lokalnoj bolnici nije preživio.

Poslije ovog događaja organizator je odlučio da prekine daljnje takmičenje kako bi odao poštu našem dragom Viktoru. Nakon konsultacija obavljenih sa CIAM F1 SC, gospodinom Ian Kynesom, a u skladu sa FAI pravilnikom, žiri je donio odluku i napravio poredak na osnovu rezultata postignutih u prvih 5 turnusa koji su završeni regularno.

Svi prisutni članovi MK odali su počast preminulom Viktor StamoV i uputili izraze saučešća porodici preminulog Viktora StamoVa. Neka počiva u miru.

Kroz izvještaj je izražena zahvalnost i odati zasluženom priznanje organizatorima svih domaćih takmičenja u BiH.

Posebno treba pohvaliti izvanrednu organizaciju 1. Prvenstva RS i Državnog prvenstva u Novoj Topoli, veliki trud i entuzijazam svih članova Aerokluba »ULL« Banja Luka, a posebno Miloša Budimčića i Milenka Bulovića. Zahvaljujući njima: 1) po prvi put je održano Državno prvenstvo u klasama F1A, F1B i F1C u Republici Srpskoj; 2) po prvi put je održano Prvenstvo Republike Srpske u klasama F1A, F1B i F1C.

Što se tiče sobnih modela, konstatovan je vidan, dalji napredak u postizanju dužih trajanja letova, prvenstveno zahvaljujući vrijednom i nesebičnom zalaganju i radu Vjenčeslava Kukića, koji je unaprijedio dizajn modela i svoje iskustvo prenio i drugim klubovima, posebno klubovima iz Kantona Sarajevo. On je sličnu pomoć ponudio i ostalim klubovima. Istaknuto je da bi ovakva saradnja mogla dalje unaprijediti rad i omogućiti postizanje još dužih trajanja letova.

Kao limit u postizanju još dužih trajanja leta istaknuto je nepostojanje adekvatnih sala u BiH. Pozvani su svi klubovi da pokušaju pronaći i obezbijediti veće i bolje sale za ovu klasu modela.

Na prošlogodišnjem sastanku MK održanom 25.11.2012. godine u Laktašima (slično kao što je to uradio AK Mostar 2011. godine) VS Kantona Sarajevo je bio usmeno obavijestio Modelarsku komisiju da su donijeli odluku da istaknu kandidaturu za organizaciju Evropskog i Svjetskog prvenstva u klasama F1 ABC u prvom narednom slobodnom terminu. Nažalost, kao i AK Mostar, nakon toga ni VS KS nije zvanično uputio zahtjev Vazduhoplovnom savezu BiH.

Seniorska reprezentacija BiH u klasama F1A (u sastavu: Robert Bjelajac, MK „Galeb“ Banja Luka, Adin Ramadanović, AK Mostar; Soniboj Sabo, AK Mostar) i F1B (u sastavu: Soniboj Sabo, AK Mostar; Emir Hajdarević, AK Visoko; Mirsad Kapetanović, AK Visoko) nastupila je na Svjetskom Prvenstvu u Francuskoj. Nažalost nisu postigli zapažen rezultat. Razlog najlošijem nastupu i u klasi F1A i u klasi F1B u poslijeratnom periodu na velikim takmičenjima treba tražiti u odustajanju pojedinih reprezentativaca u posljednjem trenutku jer VS BiH nije uspio obezbijediti finansiranje njihovog nastupa. Umjesto njih selektor je u ekipu uvrsto rezerve, koje su očigledno bile nespreme za svjetsko prvenstvo. I ove godine članovi reprezentacije su sami finansirali svoj nastup na Svjetskom Prvenstvu. Nažalost, zbog nedostatka sredstava, niko od reprezentativaca u klasi F1C nije išao u Francusku.

Opet, kao i mnogo puta do sada, zbog nedostatka finansijskih sredstava, juniorska reprezentacija aeromodelara BiH nije nastupila na Evropskom Prvenstvu koje je ove godine održano u Bugarskoj.

Tokom 2013. godine sljedeći aeroklubovi su imali nastupe na modelarskim takmičenjima:

1. Aeroklub "ULL", Banja Luka – Laktaši
2. Modelarski klub "Galeb", Banja Luka
3. Aero klub "Prijedor", Prijedor
4. Aeroklub „Sarajevo“, Sarajevo
5. Aeroklub „Kрила Sarajeva“, Sarajevo
6. Aeroklub „Mostar“, Mostar
7. Aeroklub „Zenica“, Zenica
8. Aeroklub „Izet Kurtalić“, Visoko
9. Aeroklub „Bihać“, Bihać
10. Aeroklub „Ilidža“, Sarajevo – Ilidža
11. Aeroklub „Ikar“, Sarajevo

Pored nastupa na domaćim takmičenjima, takmičari iz Bosne i Hercegovine nastupili su na sljedećim takmičenjima u inostranstvu: Kup Slavonije i Baranje (Hrvatska), Siscia kup (Hrvatska), Harghita Cup (Rumunija), Srem Kup (Srbija), Memorijal Đorđe Žigić (Srbija), Szabo Miklos Cup (Mađarska), Cup of Hungary (Mađarska), Moncontour Cup (Francuska), Macedonia Cup (Makedonija), Prilep Cup (Makedonija), Maxmen (USA), 39th California FAI International (USA) i FAI SW (USA).

Kao veoma pozitivan primjer i ove godine su istaknuti nastupi članova AK ULL koji su zabilježili nastupe na brojnim internacionalnim takmičenjima koja su se bodovala za FAI Svjetski Kup 2013 (FF World Cup 2013). Najbolje plasirana u Svjetskom kupu u klasi F1A – juniori je Sara Budimčić koja je zauzela odlično 12. mjesto. Miljan Borković nalazi se na 30. mjestu, a Dragiša Kovačević na 65. mjestu.

U seniorskoj konkurenciji, u Svjetskom kupu 2013. godine u klasi F1B Soniboj Sabo je postigao dosada najvrjedniji rezultat. Osvojio je izvanredno treće mjesto. Koliko je vrijedan ovaj rezultat pokazuje podatak da je ovo prvi put od kako je ustanovljen FAI Svjetski kup da se neko iz BiH nađe među trojicom najboljih u Svjetskom kupu! Zaslužene čestitke. Bravo Soniboj!

Najbolji u Svjetskom kupu 2013. godine u klasi F1A bio je Elmin Kerkez koji je zauzeo skromno 153. mjesto.

Nažalost, u Svjetskom kupu 2013. godine u klasi F1C nema niti jednog rangiranog takmičara iz BiH.

Na kraju, sumirajući postignute rezultate, Predsjednik MK je izrazio zadovoljstvo da se nekadašnji reprezentativac BiH (koji je bio prvi reprezentativac BiH nastupivši za Reprezentaciju BiH ratne 2013. godina na Svjetskom prvenstvu Americi) ponovo počeo takmičiti za AK Bihać i da je jedini od svih takmičara iz BiH u klasi F1A napravio 3 maksimalna rezultata. Izrazio je nadu da će Enes biti katalizator i oživiti i osvježiti modelarsku aktivnost u AK Bihać.

Podneseni izvještaj je jednoglasno prihvaćen.

***Ad. 2: Plan rada i kalendar takmičenja u 2014. godini***

Na osnovu kandidatura upućenih emailom, prethodno obavljenih konsultacija telefonom Predsjednika Modelarske komisije sa potencijalnim organizatorima, izjašnjavanja aeroklubova organizatora pojedinih takmičenja na sastanku, kao i FAI kalendara za 2014. godinu, sačinjen je sljedeći kalendar takmičenja za 2014. godinu:

	<b>Takmičenje</b>	<b>Klasa</b>	<b>Organizator</b>	<b>Mjesto</b>	<b>Termin</b>
1	58. Državno prvenstvo BiH	F1 ABC	AK ULL Banja Luka - Laktaši	NovaTopola	05.04.2014. Rez. 12.04.2014.
2	Otvoreno prvenstvo RS	F1ABC	AK ULL Banja Luka - Laktaši	NovaTopola	05.04.2014. Rez. 12.04.2014.
3	Federalno prvenstvo FBiH u sobnim modelima	D1	AK „Izet Kurtalić“ Visoko	Visoko	Februar/mart
4	Kup grada Zenice	D1	AK "Zenica"	Zenica	Februar/mart
5	Proletni kup	F1 ABCH	AK Mostar	Mostarsko Blato	April/Maj
6	50th Mostar Kup (World Cup Event)	F1 ABCQ	AK Mostar	Mostarsko Blato	12.07.2014
7	Mostar Cup 2014 (HEC, EURO Challenge Event)	F1 H	AK Mostar	Mostarsko Blato	12.07.2014
8	2014 FAI Junior World Championships for Free Flight Model Aircraft	F1 ABP	Rumunija	Salonta (Romania)	02.-09.8.2014
9	2014 FAI European Championships for Free Flight Model Aircraft	F1 ABC	Rumunija	Salonta (Romania)	11.-17.8.2014
10	2014 Memorijal Izet Kurtalić (World Cup Event)	F1 ABC	AK „Izet Kurtalić“ Visoko	Bosanski Petrovac	23.08.2014
11	BOS Cup 2014 (HEC, EURO Challenge Event)	F1 H	AK „Izet Kurtalić“ Visoko	Bosanski Petrovac	23.08.2014
12	Kup Mustafe Hadžović	F1 AH, A1	AK Mostar	Mostarsko Blato	Septembar 2014.
13	Federalno prvenstvo FBiH	A1	AK "Ilidza"	Letilište „Kenan Jusufbašić“ Visoko	Septembar 2014.
14	Državno prvenstvo BiH	A1, F1H	AK „Krila Sarajeva“	Letilište „Kenan Jusufbašić“ Visoko	Oktoibar 2014.
15	Sarajevo Cup 2014 (HEC, EURO Challenge Event)	F1 H	AK „Krila Sarajeva“	Letilište „Kenan Jusufbašić“ Visoko	Oktoibar 2014.

16	Državno prvenstvo BiH u sobnim modelima	D1	VS Kantona Sarajevo	Sarajevo	Jesen
17	Federalno prvenstvo FBiH	F1 ABCH	Nije bilo kandidature	?	?

Nije bilo kandidatura za organizaciju Federalnog prvenstvo FBiH u klasama F1 ABC i H. Ostavljena je mogućnost za naknadnu kandidaturu.

AK Mostar je pokrenuo veoma interesantnu inicijativu i zatražio saglasnost Modelarske komisije da se na Proljetnom kupu 2014. godine organizuje takmičenje bez zvaničnih sudija. Takmičenje će se odvijati, kao i do sada po turnusima u definisanom trajanju, a trojica ili četvorica takmičara sa istog startnog mjesta će suditi jedni drugima. Sličnu praksu upražnjavaju već odavno organizatori aeromodelarskih takmičenja u Americi. Modelarska komisija je podržala ovu inicijativu, vjerujući da će ovakva praksa u budućnosti olakšati i pojeftiniti organizaciju takmičenja, te tako povećati broj klubova potencijalnih organizatora takmičenja u BiH.

Tokom sastanka, AK Mostar je usmeno obavijestio Modelarsku komisiju da su se stekli uslovi i da su ponovo spremni, uz podršku VS BiH, da se kandiduju za organizaciju Evropskog i/ili Svjetskog prvenstva u klasama F1 ABC u prvom narednom slobodnom terminu.

Modelarska komisija je potvrdila svoj raniji stav da je organizacija velikih aeromodelarskih takmičenja u BiH velika šansa da se izvrši finansijska konsolidacija VS BiH i smanje troškovi nastupa aeromodelarske Reprezentacije BiH na ovim takmičenjima, te je pozdravila ovu inicijativu i zatražila od AK Mostar da pripremi zvaničan zahtjev Vazduhoplovnom savezu BiH uz pismeno obrazloženje i kvalitetnu elektronsku prezentaciju motivacije za kandidaturu, prezentaciju grada Mostara koja bi se koristila u svrhu blagovremene promocije i lobiranja kod članica FAI, njihovih delegata u CIAM-u, kao i kod drugih uticajnih pojedinaca i klubova u Evropi i svijetu.

### ***Ad 3: Prijave FAI Open International - World Cup i Open National takmičenja za 2014. godinu***

AK Mostar i AK „Izet Kurtalić“ Visoko su kandidovale „50. Mostar Kup“ (Mostar) i „2013 Memorijal Izet Kurtalić“ (Bosanski Petrovac) kao takmičenja u BiH koja će se bodovati za FAI Svjetski kup (FAI Open International - World Cup).

AK ULL Banja Luka - Laktaši je kandidovao „2. RS Open International“ (Nova Topola) kao otvoreno međunarodno FAI takmičenje u BiH (FAI Open National).

Modelarska komisija je prihvatila sve tri kandidature. Odgovarajuće takse u iznosu od po 70 EUR, odnosno 40 EUR, po takmičenju izvršiće direktno aeroklubovi organizatori.

**Ad 4: a) Rang liste kandidata za seniorsku i juniorsku Reprerentaciju aerodelara BiH u klasama F1 A,B,C na bazi rezultata postignutih u 2012. godini**

Na osnovu rezultata postignutih u 2013. godini napravljena je rang lista kandidata za seniorsku reprezentaciju BiH po kategorijama F1 A, B i C koja će nastupiti na Evropskom prvenstvu u Rumuniji od 23.08. do 29.08.2014. godine. Takođe je napravljena i lista kandidata za juniorsku reprezentaciju BiH po kategorijama F1 A i B koja treba nastupiti na Svjetskom prvenstvu u Rumuniji od 07. do 14.07.2013. godine. Tabela prikaz svih rezultata na osnovu kojih su napravljene rang liste podijeljen je prisutnim delegatima. Rang liste su napravljene uz strogu primjenu ranije definisanih kriterija koje je usvojila Modelarska komisija.

Tokom sastanka uočeno je nekoliko grešaka u tabeli. Neke greške su odmah korigovane, a Predsjednik MK je zadužen da još jednom provjeri sve rezultate i konačnu tabelu distribuirati uz zapisnik. Nakon korekcija, rang liste su jednoglasno usvojene.

**Ad 4: b) izbor članova reprezentacija**

Na osnovu usvojene rang liste za seniore određeni su sljedeći članovi seniorske Reprerentacije BiH:

**F1 A**

<b>1. Pečenković Enes</b>	<b>(Bihać)</b>	<b>1260</b>	<b>+ 1260 + 1260 = 3780</b>
<b>2. Željko Marić</b>	<b>(Mostar)</b>	<b>1260</b>	<b>+ 1173 + 1260 = 3693</b>
<b>3. Robert Bjelajac</b>	<b>(Galeb BL)</b>	<b>1216</b>	<b>+ 1234 + 1180 = 3630</b>
4. Elmin Kerkez (rezerva)	(Visoko)	1215	+ 1161 + 1207 = 3583
5. Miloš Budimčić (rezerva)	(ULL BL)	1191	+ 1204 + 0 = 2395

**F1 B**

<b>1. Soniboj Sabo</b>	<b>(Mostar)</b>	<b>1260</b>	<b>+ 1260 + 1260 = 3780</b>
<b>2. Emir Hajdarević</b>	<b>(Visoko)</b>	<b>1211</b>	<b>+ 1248 + 1233 = 3692</b>
<b>3. Mirsad Kapetanović</b>	<b>(Visoko)</b>	<b>1147</b>	<b>+ 1177 + 0 = 2324</b>
4. Haris Jusufbašić (rezerva)	(Visoko)	1187	+ 0 + 0 = 1187
5. Malik Čabaravdić (rezerva)	(Visoko)	1160	+ 0 + 0 = 1160

**F1 C**

<b>1. Rade Mazalica</b>	<b>(Prijedor)</b>	<b>1158</b>	<b>+ 0 + 0 = 1158</b>
<b>2. Tarik Jusufbašić</b>	<b>(Visoko)</b>	<b>0</b>	<b>+ 0 + 0 = 0</b>
<b>3. Edin Šahinović</b>	<b>(Visoko)</b>	<b>0</b>	<b>+ 0 + 0 = 0</b>
4. Mustafa Šahinović (rezerva)	(Visoko)	0	+ 0 + 0 = 0
5. Nedžad Pinjo (rezerva)	(Visoko)	0	+ 0 + 0 = 0

Na osnovu usvojene rang liste za juniore određeni su sljedeći članovi juniorske Reprerentacije BiH:

**F1 A**

<b>1. Miljan Borković</b>	<b>(ULL BL)</b>	<b>1197</b>	<b>+ 1168 + 0 = 2365</b>
<b>2. Sara Budimčić</b>	<b>(ULL BL)</b>	<b>1182</b>	<b>+ 1179 + 0 = 2361</b>
<b>3. Ferid Rizvanović</b>	<b>(Zenica)</b>	<b>1211</b>	<b>+ 0 + 0 = 1211</b>
4. Milan Vladetić (rezerva)	(Galeb BL)	1148	+ 0 + 0 = 1148
5. Dragiša Kovačević (rezerva)	(ULL BL)	0	+ 0 + 0 = 0

## **F1 B**

<b>1. Bakir Limo</b>	<b>(Visoko)</b>	<b>0</b>	<b>+ 0</b>	<b>+ 0</b>	<b>= 0</b>
<b>2. -</b>	<b>( - )</b>	<b>0</b>	<b>+ 0</b>	<b>+ 0</b>	<b>= 0</b>
<b>3. -</b>	<b>( - )</b>	<b>0</b>	<b>+ 0</b>	<b>+ 0</b>	<b>= 0</b>

U 2013. godini je većina ranijih juniora u klasi F1B izgubila taj status. U juniorskoj konkurenciji ostao je samo Bakir Limo iz AK Visoko. Modelarska komisija je pozvala AK Visoko i AK Mostar da, u saradnji sa selektorom juniorske reprezentacije, pokušaju osposobiti još dva juniora kako bi se za Svjetsko juniorsko prvenstvo u Rumuniji mogla kompletirati i ekipa F1B.

### ***Ad 4: c) izbor selektora***

2013. godina je bila posljednja godina četverogodišnjeg mandata selektora seniorske i juniorske reprezentacije.


Na prijedlog AK Mostar, Modelarska Komisija je donijela jednoglasnu odluku:

1. Selektor seniorske Reprezentacije BiH je ponovo Mirsad Kapetanović (AK „Izet Kurtalić” Visoko), sa mandatom od 4 godine, do kraja 2017. godine;
2. Selektor juniorske Reprezentacije BiH je ponovo Sabahudin Hebib (AK Mostar), sa mandatom od 4 godine, do kraja 2017. godine.

Siniša Holik je na kraju sastanka, ispred domaćina AK ULL, pozvao sve učesnike na druženje uz ručak i piće u obližnjem restoranu.

Sastanak Modelarske komisije je završen u 14,00 sati.

Predsjednik Modelarske komisije



Prof.dr Mirsad Kapetanović